



BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA-SANA CANTON  
UNA-SANA CANTON GOVERNMENT

Broj: 03-017-927/2017  
Dana, 11.05.2017. godine



SKUPŠTINA UNSKO-SANSKOG KANTONA

PREDMET: Prijedlog Zakona o izmjeni Zakona o šumama  
dostavlja se;-

Na osnovu člana 120, 121. i 133. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Prijedlog Zakona o izmjeni Zakona o šumama, uz sljedeće:

#### O b r a z l o ž e n j e


Vlada Unsko-sanskog kantona je na sjednici održanoj dana 11.05.2017. godine, razmatrala i utvrdila Prijedlog Zakona o izmjeni Zakona o šumama, obrađivača Ministarstva poljoprivrede, vodoprivrede i šumarstva, te vam isti dostavljamo u dalju proceduru.

S obzirom da nije u pitanju složen i obiman Zakon, Vlada Unsko-sanskog kantona kao predlagač umjesto Nacrta Zakona podnosi Prijedlog Zakona i predlaže Skupštini kantona da se Prijedlog Zakona o izmjeni Zakona o šumama, pretresa po skraćenom postupku bez Nacrta.

PRILOG: - Prijedlog Zakona ..... (6x)

PREMIJER KANTONA  
mr.sci. Hušein Rošić

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA - SANACANTON  
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“ broj: 5/08), na prijedlog Ministarstva poljoprivrede, vodoprivrede i šumarstva, Vlada Unsko-sanskog kantona na sjednici održanoj dana 11.05.2017. godine, donosi:

## ZAKLJUČAK

### I

Utvrđuje se Prijedlog Zakona o izmjeni Zakona o šumama, s tim da se isti uputi Skupštini Unsko-sanskog kantona na razmatranje i usvajanje po skraćenom postupku.

### II

Ovaj Zaključak stupa na snagu danom donošenja.

Broj: 03-017-927/2017  
Bihać, 11.05.2017. godine



## Prijedlog

Na osnovu člana 11. tačka b) odjeljka A poglavlja V, člana 3. stav 1) tačka h) poglavlja IV i člana 4. poglavlja IV Ustava Unsko-sanskog kantona („Službeni glasnik Unsko-sanskog kantona“, broj: 1/04 i 11/04), na prijedlog Vlade Unsko-sanskog kantona, Skupština Unsko-sanskog kantona, na sjednici održanoj \_\_\_\_\_, donosi:

### ZAKON O IZMJENI ZAKONA O ŠUMAMA

#### Član 1.

U članu 10. stav (1) Zakona o šumama („Službeni glasnik Unsko-sanskog kantona“, broj: 22/12 i 16/16), mijenja se i glasi:

„(1) Šumsko privredne osnove za šume u državnom vlasništvu izrađuje korisnik šuma koji posjeduje certifikat ili saglasnost nadležnog organa, a za šume u privatnom vlasništvu izrađuje pravno lice koje je registrovano u skladu sa odredbama važećeg Zakona o registraciji privrednih subjekata, koje posjeduje certifikat nadležne institucije i koje je izabrano u skladu sa važećim Zakonom o javnim nabavkama. Ukoliko se određene usluge izrade šumsko privredne osnove za šume u državnom vlasništvu pribavljaju od drugog pravnog lica, iste se pribavljaju u postupku javne nabavke prema važećem Zakonu o javnim nabavkama.“

#### Član 2.

U članu 91a, riječi „šest mjeseci“ zamjenjuju se riječima „**dvanaest mjeseci**“.

#### Član 2.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

PREDSJEDAVAJUĆI SKUPŠTINE  
UNSKO - SANSKOG KANTONA  
Nijaz Hušić, prof

## **O B R A Z L O Ž E N J E**

### **PRIJEDLOGA ZAKONA O IZMJENI ZAKONA O ŠUMAMA**

#### **I - Ustavni i zakonski osnov**

Ustavni osnov za donošenje Zakona o izmjeni Zakona o šumama sadržan je u članu 11. tačka b).odjeljka A, poglavlja V, član 3.stav1), tačka ( h), poglavlja IV i člana 4. poglavlja IV – Djelokrug Kantona Ustava Unsko-sanskog kantona („Službeni glasnik Unsko-sanskog kantona“, broj: 1/04 i 11/04) kojim je regulisano da su Kanton i Federalna vlast (podijeljena nadležnost), u skladu sa Ustavom Federacije BiH ovlašteni za korištenje prirodnih bogatstava, u koje ulaze i šumski resursi.

Ustavom Unsko-sanskog kantona članom 4., poglavlje IV –Djelokrug Kantona određeno je da u skladu sa potrebama, ovlaštenja iz člana 3. stav 1. tačka h) poglavlja IV Ustava mogu biti ostvarivana zajednički ili odvojeno ili od strane Kantona koordinirano od federalne vlasti, da se o načinu ostvarivanja ovih ovlaštenja Kanton i federalna vlast dogovaraju na trajnoj osnovi i da u obavljanju ovih ovlaštenja, u skladu sa Ustavom Federacije Bosne i Hercegovine i Ustavom Unsko-sanskog kantona, Kanton će se obraćati međukantonalnom savjetu za koordinaciju rješavanja međukantonalnih pitanja i za dosljedno rješavanje pitanja koja se tiču interesa van njihovih kantonalnih granica, te provoditi odluke, sudjelovati u odlučivanju i kad je potrebno, predlagati odluke u zakonodavnim tijelima. Kanton će utvrđivati politiku i provoditi zakone koji se tiču svakog od ovih ovlaštenja.

#### **II - Razlozi za donošenje zakona**

Izmjenom člana 10. stav (1) ovog Zakona previđeno je da sva pravna lica koja su registrovana u skladu sa Zakonom o registraciji privrednih subjekata i koja imaju Certifikat, odnosno saglasnost nadležnog organa za obavljanje poslova u šumarstvu, mogu izrađivati šumsko privredne osnove za šume u državnom vlasništvu bez angažovanja trećih lica, odnosno angažovati treća lica u skladu sa Zakonom o javnim nabavkama, ukoliko se za tim ukaže potreba.

ŠPD „Unsko-sanske šume“ d.o.o. Bosanska Krupa se obratio Ministarstvu poljoprivrede, vodoprivrede i šumarstva sa aktom, broj: 01-3542-11/16, od 06.03.2017. godine kojim se nas obavještavaju da nisu u mogućnosti u roku od šest mjeseci kako je to utvrđeno Zakonom o izmjenama i dopunama Zakona o šumama („Službeni glasnik Unsko-sanskog kantona“, broj: 16/16), provesti aktivnosti oko procesa preuzimanja čuvarske službe u roku kako je to citiranim Zakonom utvrđeno. U navedenom aktu isti su i iznijeli razloge za produženje roka za implementaciju i provođenje aktivnosti utvrđene u članu 91a Zakona o šumama, što je resorno Ministarstvu ocijenilo kao osnovanim, te pokrenulo aktivnosti na izradi izmjene Zakona o šumama.

Napominjemo da je, Skupština Unsko-sanskog kantona usvojila Zakon o izmjenama i dopunama Zakona o šumama („Službeni glasnik US kantona“, broj:16/16), kojim je između ostalog u članu 12. dodan novi član 91a Zakona kojim je utvrđeno:

„(1) U roku od šest mjeseci od dana stupanja na snagu ovog Zakona, zaposlenici, koji su bili zaposleni u kantonalnoj upravi za šumarstvo na poslovima neposredne zaštite šuma preuzimaju se i raspoređuju od strane šumskoprivrednih društava, bez javnog poziva, a u skladu sa stručnom spremom i radnim iskustvom.

(2) Ministarstvo će u roku od šest mjeseci od stupanja Zakona na snagu izvršiti izmjene provedbenih propisa Zakona o šumama u skladu sa odredbama ovog Zakona.

(3) Odredbe Zakona o organizaciji i nadležnostima kantonalnih organa uprave i upravnih organizacija imaju se uskladiti sa ovim Zakonom u roku od šest mjeseci od dana njegovog stupanja na snagu“.

Kako ŠPD „Unsko-sanske šume“ d.o.o. Bosanska Krupa navode u svojoj obavijesti da nisu proveli aktivnosti oko konačnog preuzimanja čuvarske službe, tako ni resorno Ministarstvo nije uspjelo završiti sve aktivnosti prije svega zbog potrebe za donošenjem izmjena Zakona o državnim službenicima i namještenicima u organima državne službe Unsko-sanskog kantona, zatim Zakona o organizaciji kantonalnih organa državne službe Unsko-sanskog kantona, **gdje isti nisu u nadležnosti Ministarstva poljoprivrede, vodoprivrede i šumarstva, a čije izmjene bi trebalo donijeti u skladu sa odredbama člana 91a. Zakona o šumama („Službeni glasnik Unsko-sanskog kantona“, broj:22/12 i 16/16).**

Zbog svega navedenog smatramo osnovanim prijedlog izmjene Zakona o šumama.

### III – Potrebna sredstva za donošenje i provođenje zakona

Za donošenje i provođenje ovog Zakona nisu potrebna dodatna finansijska sredstva u Budžetu Unsko-sanskog kantona, obzirom da se radi o tehničkoj izmjeni Zakona.

### IV - Obrazloženje odredbe Zakona

#### Član 1. Zakona

U članu 91a Zakonu o šumama („Službeni glasnik Unsko-sanskog kantona“, broj:22/12 i 16/16), riječi „šest mjeseci“ zamjenjuju se riječima „dvanaest mjeseci“.

- Predmetnom izmjenom bi se produžio rok za implementaciju i provođenje aktivnosti utvrđene u članu 91a za dodatnih šest mjeseci.

U Bihaću, 27.04.2017.godine

OBRADIVAČ



Ministarstvo poljoprivrede, vodoprivrede i šumarstva USK

MINISTAR

*Dragan Polimanac*  
Dragan Polimanac, dipl. pravnik

1621

08

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
MINISTARSTVO PRAVOSUDA I UPRAVE



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA-SANA CANTON  
MINISTRY OF JUSTICE

Broj:07- 02-2744-4/2017  
Bihać, 04.04.2017.godine

AM

Ministarstvo poljoprivrede, vodoprivrede i šumarstva  
o v d j e


PREDMET: Mišljenje, dostavlja se  
Veza: Vaš akt broj; 08-02-2744-2/17 od 31.03.2017.godine

Na osnovu člana 25. Poslovnika o radu Vlade Unsko – sanskog kantona („Službeni glasnik Unsko – sanskog kantona“ broj: 26/12 i 3/14), o dostavljenom Prijedlogu Zakona o izmjeni Zakona o šumama, Ministarstvo pravosuđa i uprave daje, slijedeće:

MIŠLJENJE

Prijedlog Zakona o izmjeni Zakona o šumama, u skladu je sa propisima iz člana 25.stav 1. alineja 2. Poslovnika o radu Vlade Unsko – sanskog kantona, u kojem je utvrđeno da ovo Ministarstvo daje mišljenje na prednacrtu odnosno nacrtu propisa u pogledu njihove usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredbama o sankcijama.

Dostaviti:  
1. Naslov,  
2. u spis



MINISTAR  
Nikola Findrik

20150217

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač prijava

	KOD	NAZIV
Razdjel	2002	Ministarstvo poljoprivrede, vodoprivrede i šumarstva - Kantonalna uprava za šumarstvo

B 2. Osnovni podaci o prijedlogu propisa


Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Zakona o izmjeni Zakona o šumama					

C 3. Izjava o nepostojanju dodatnih fiskalnih efekata predloženog propisa

Za donošenje i provođenje ovog Zakona nisu potrebna dodatna finansijska sredstva u Budžetu Unsko-sanskog kantona, obzirom da se radi o tehničkoj izmjeni Zakona.

D 4. Pečat i potpis odgovornog lica

Mjesto i datum







„član 91a.

(1) U roku od šest mjeseci od dana stupanja na snagu ovog Zakona, zaposlenici koji su bili zaposleni u kantonalnoj upravi za šumarstvo na poslovima neposredne zaštite šuma preuzimaju se i raspoređuju od strane šumskoprivrednih društava, bez javnog poziva, a u skladu sa stručnom spremom i radnim iskustvom.

(2) Ministarstvo će u roku od šest mjeseci od stupanja Zakona na snagu izvršiti izmjene provedbenih propisa Zakona o šumama u skladu sa odredbama ovog Zakona.

(3) Odredbe Zakona o organizaciji i nadležnostima kantonalnih organa uprave i upravnih organizacija imaju se uskladiti sa ovim Zakonom u roku od šest mjeseci od dana njegovog stupanja na snagu“.

### Član 13.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

Broj: 01-02-1-409/16      Predsjedavajući Skupštine  
13. oktobra 2016. godine      Unsko-sanskog kantona  
B i h a ć      Nijaz Hušić, prof.

823.

Na osnovu člana 11. b) poglavlja V, odjeljka A Ustava Unsko-sanskog kantona- prečišćeni tekst (“Službeni glasnik Unsko-sanskog kantona” broj: 1/04, 11/04), Skupština Unsko-sanskog kantona, na 25. redovnoj sjednici, održanoj dana 13.10.2016. godine, donosi:

## ZAKON

### O PLAĆAMA I NAKNADAMA ČLANOVA ORGANA UPRAVLJANJA, RUKOVOĐENJA I DRUGIH ORGANA KANTONALNIH JAVNIH PREDUZEĆA, USTANOVA ČIJI JE OSNIVAČ UNSKO- SANSKI KANTON I INSTITUCIJA UNSKO- SANSKOG KANTONA

#### DIO PRVI-OSNOVNE ODREDBE

##### Član 1.

##### (Predmet Zakona)

Ovim zakonom uređuju se: plaće, materijalna primanja i druge naknade članova organa

upravljanja, rukovođenja i drugih organa ustanova čiji je osnivač Unsko-sanski kanton, a koji nisu korisnici Budžeta Unsko-sanskog kantona, kantonalnih javnih poduzeća i drugih privrednih društava u većinskom vlasništvu Unsko-sanskog kantona i institucija koje je osnovao Unsko-sanski kanton, stimulacije, kaznene odredbe i nadzor nad provođenjem ovog zakona.

##### Član 2.

##### (Javno preduzeće)

Kantonalno javno preduzeće je, u smislu ovog zakona, javno preduzeće čiji je osnivač Unsko-sanski kanton, kao i privredno društvo koje je u većinskom vlasništvu Unsko-sanskog kantona (u daljem tekstu: javno preduzeće).

##### Član 3.

##### (Ustanova)

Ustanova u smislu ovog zakona je zdravstvena ustanova, čiji je osnivač Unsko-sanski kanton i svaka javna ustanova koju je osnovao Unsko-sanski kanton, a koja nije korisnik Budžeta Unsko-sanskog kantona.

##### Član 4.

##### (Institucija)

Institucija u smislu člana 1. ovog zakona je svaki subjekt kojeg je osnovao Unsko-sanski kanton, koji vrši javna ovlaštenja i koji ima svojstvo pravnog lica, uključujući ali ne ograničavajući se na: Zavod zdravstvenog osiguranja Unsko-sanskog kantona, Službu za zapošljavanje Unsko-sanskog kantona i Agenciju za privatizaciju Unsko-sanskog kantona.


##### Član 5.

##### (Organ upravljanja, organ rukovođenja, organ nadzora i drugi organ)

(1) Pod organom upravljanja javnog preduzeća podrazumijeva se skupština, nadzorni odbor i uprava, koju čini direktor i izvršni direktor, u skladu sa odredbama Zakona o privrednim društvima i Zakona o javnim preduzećima u Federaciji Bosne i Hercegovine.

(2) Pod drugim organom javnog preduzeća podrazumijeva se odbor za reviziju, odnosno drugi organ utvrđen zakonom, osnivačkim aktom i statutom javnog preduzeća.

(3) Pod organom upravljanja ustanove podrazumijeva se upravni odbor, odnosno organ upravljanja drugog naziva utvrđen posebnim zakonom.



**ŠPD "UNSKO-SANSKE ŠUME" d.o.o.**  
**Bosanska Krupa, Radnička bb**

1307

Telefon: +387 37 476-901  
 Fax: +387 37 476-929  
 Komercijala: +387 37 476-906  
 Fax komerc: +387 37 476-920

Identifikacioni broj: 4263074140004  
 Porezni broj: 11071044  
 E-mail: kontakt@ussume.ba  
 Web: www.ussume.ba

POSNA I HERCEGOVINA  
 ŽUPANIJA BOSNE I HERCEGOVINE  
 UNSKO-SANSKI KANTON

Broj: 01-3542-11/16  
 Bosanska Krupa, 06.03.2017. godine

Priloga: 09-03-2017	
Organizacija: ŠPD	Broj: 087 02-2794-1/2

**Ministarstvo poljoprivrede, vodoprivrede  
 i šumarstva Unsko-sanskog kantona**  
 Ul. Alije Đerzeleza broj 6, 77000 Bihać

**PREDMET: Obavijest, dostavlja se**

Poštovani,

Imajući u vidu odredbe Zakona o izmjenama i dopunama Zakona o šumama USK, koji je usvojen na sjednici Skupštine USK dana 13.10.2016. godine, a kojim je čuvanje državnih šuma povjereno u nadležnost ŠPD „Unsko-sanske šume“ d.o.o. Bosanska Krupa te objektivne činjenice koje otežavaju proces implementacije Zakona o izmjenama i dopunama Zakona o šumama USK, koristimo priliku da Vas obavijestimo o sljedećem:

ŠPD „Unsko-sanske šume“ d.o.o. Bosanska Krupa od sedmog mjeseca 2016. godine susreće se sa činjenicom da su upravljačka tijela u privremenim mandatima te u takvoj situaciji nismo u poziciji obezbijediti kontinuirano izvršavanje svih poslova, a posebno onih koji su u nadležnostima Nadzornog odbora i Skupštine ŠPD-a, jer se dešava da jedan organ bude imenovan u privremenom mandatu, a drugom organu istekne mandat itd., a poznato je da svi opći ili organizacijski akti ovog Društva moraju proći postupak usvajanja od strane Uprave, Nadzornog odbora i Skupštine Društva. Tako npr. ŠPD nije imalo imenovan Nadzorni odbor od 03.11.2016. godine do 07.02.2017. godine, privremenoj Skupštini mandat je istekao 27.02.2017. godine i trenutno ovo Društvo nema imenovanu Skupštinu, a v.d. izvršnim direktorima za oblast ekonomije i za oblast prava mandati su istekli 21.02.2017. godine te u takvoj situaciji Uprava ŠPD-a nema kapacitet za donošenje odluka, jer ne postoji dovoljan broj imenovanih članova Uprave da bi se punopravno mogle donositi odluke iz nadležnosti iste.

U razgovoru sa Ministrom poljoprivrede, vodoprivrede i šumarstva USK došli smo do saznanja da ni Ministarstvo nije izvršilo sve pripreme u cilju implementacije Zakona o izmjenama i dopunama Zakona o šumama USK, odnosno da nije pripremljen novi Pravilnik o sistematizaciji radnih mjesta koji bi se odnosio na Kantonalnu upravu za šumarstvo, kao ni podzakonski akti koji proizilaze iz Zakona o šumama.

Pored navedenog, imamo saznanje da nisu usvojene ni izmjene i dopune Zakona o organizaciji i nadležnostima kantonalnih organa uprave i upravnih organizacija u cilju usklađivanja istog sa

Podružnice: Bihać: +387 37 314-024 (šumarija); Pogon Bos. Krupa: 471-127, 474-307; Cazin: 514-031 (šumarija), Cazin: 514-179 (rasadnik); Sanski Most: 686-155 (šumarija); Ključ: 662-037 (šumarija); Bos. Petrovac: 881-439 (šumarija), 881-025 (građenje i mehanizacija)

Žiro-računi: RAIFFEISEN BANK: 1610 3500 1413 0032 UNICREDIT: 3385 3022 6114 4206




odredbama Zakona o šumama što je propisano odredbama člana 12., stav (3) Zakona o izmjenama i dopunama Zakona o šumama (rok šest mjeseci od dana stupanja na snagu Zakona).

ŠPD „Unsko-sanske šume“ d.o.o. Bosanska Krupa je pokrenulo postupak izmjena i dopuna Pravilnika o organizaciji i sistematizaciji radnih mjesta, ali zbog kontinuiranog nedostatka punog kapaciteta upravljačkih tijela (trenutno nemamo kompletnu Upravu i Skupštinu Društva) nismo do danas završili postupak usvajanja novog Pravilnika koji bi bio usklađen sa odredbama Zakona o izmjenama i dopunama Zakona o šumama USK.

Shodno navedenom smatramo da iz objektivnih razloga nije izvodivo da Ministarstvo i ŠPD proces preuzimanja čuvarske službe završe u roku od šest mjeseci kako je to pomenutim Zakonom propisano. Napominjemo da je ŠPD ranije utvrdilo Plan realizacije primopredaje nadležnosti čuvanja šuma na terenu, a Protokoi o nastavku daljih aktivnosti smo Vam dostavili aktom broj: 01-3542-10/16 od 15.02.2017. godine, a kako nas još niste obavijestili o navedenom očekujemo da nas obavijestite o nastavku daljih aktivnosti u vezi dostavljenog Protokola i mogućnosti dalje implementacije Zakona o izmjenama i dopunama Zakona o šumama USK ili eventualnog produženja roka za implementaciju istog.

S poštovanjem !



DOSTAVLJENO:

1. Naslovu,
2. Uprava ŠPD-a (na znanje),
3. A / A.